

INT/2026/000395

PROPOSTA DA ALCALDÍA-PRESIDENCIA XUSTIFICATIVA DA MODIFICACIÓN ORZAMENTARIA POR SUPLEMENTO DE CRÉDITO Nº 01/SC/2026

A Liquidación do Orzamento do exercicio 2025 do Concello de Vilagarcía de Arousa aprobada por Resolución da Alcaldía de data 27 de abril de 2026 da que se dou conta ao Pleno na sesión que tivo lugar o día 28/05/2026 e no que consta Informe de Intervención de Estabilidade Orzamentaria con referencia JFC/419/2026 no que indica o cumprimento do obxectivo de Estabilidade Orzamentaria cun superávit de 1.703.603,07€, Regra de Gasto positiva e Volume de Endebedamento por debaixo dos límites establecidos e no que se obtivo un Remanente Líquido de Tesourería de 3.562.717,95€ sendo o dispoñible actual de 2.674.479,76€.

Tendo en conta o disposto polo art. 32 da Lei Orgánica 2/2012 de 27 de abril, de Estabilidade Orzamentaria e Sustentabilidade Financeira (LOEOSF) que indica:

(...)Artigo 32. Destino do superávit orzamentario.

No suposto de que a liquidación orzamentaria se sitúe en superávit, este destinarase, no caso do Estado, comunidades autónomas e corporacións locais, a reducir o endebedamento neto. No caso da Seguridade Social, o superávit aplicarase prioritariamente ao Fondo de Reserva, coa finalidade de atender as necesidades futuras do sistema.(...)"

Visto o ingreso realizado na Tesourería municipal en data 27/11/2025 por importe de 598.023,26€ dos fondos FEDER 2014-2020 derivados da "Estrategia de Desarrollo Urbano Sostenible Integrado" (EDUSI) e dado que se trata de fondos remanentes de dita estratexia polo que unha vez aplicados aos proxectos afectados polos mesmos consideramos que podemos dispoñen dun remanente extraordinario de 344.494,53€.

Tendo en conta o recollido no art. 12.5 da citada LOEOSF en canto á Regra de Gasto que indica: "(...) 5. Os ingresos que se obteñan por riba do previsto destinaranse integramente a reducir o nivel de débeda pública

Á vista do Estado da débeda obrante no proxecto de Orzamentos para 2026 que neste intre se atopa en exposición pública e no que consta o préstamo que a seguir se describe, considerando que sería a operación máis convinte amortizar polas súas condicións financeiras:

- **Préstamo núm. 2021/1/009595** asinado con UNICAJA BANCO, S.A. o 03/09/2021 por importe de 3.500.000,00€, con un tipo de xuro variable de euribor a 3 meses máis 0,53 cun capital pendente a 15/06/2026 de 1.774.494,53€

Estas amortizacións extraordinarias implicarán a redución dos gastos financeiros para o exercicio 2026, reducindo a ATA 2026 en concepto de cotas de amortización en 917.327,51€, e en consecuencia a débeda viva o volume de endebedamento, favorecendo o aumento do aforro neto.

Visto que na aplicación orzamentaria correspondente á Área de gasto 011 "Débeda Pública" do Orzamento vixente, non existe crédito adecuado e suficiente para facer fronte á amortización anticipada por importe de 1.774.494,53€.



Visto o informe de Intervención favorable de data 17/06/2026 obrante no expediente INT/2026/000395.

Esta Alcaldía dacordo co artigo 177 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, e o artigo 32 da LOEOSF 2/2012, propón ó Pleno da Corporación a adopción do seguinte

ACORDO:

PRIMEIRO: Aprobar inicialmente expediente de concesión de crédito extraordinario **Nº 01/SC/2026**, en relación ás aplicacións orzamentarias relacionadas a continuación:

Aplicación Orzamentaria		Descrición	Euros
011	913	DÉBEDA PÚBLICA-AMORTIZ. PRÉSTAMOS	1.344.494,53 €
		TOTAL	1.344.494,53 €

SEGUNDO: Os medios ou recursos que han de financiar os aumentos que se propoñen ao amparo do disposto no artigo 177.4 do TRLFL 2/2004, son os seguintes:

Aplicación Orzamentaria		Descrición	Euros
87000		REMANENTE DE TESOURERÍA PARA GASTOS XERAIS	1.000.000,00 €
79117		TRASNF. CAPITAL FEDER AVANZA	344.494,53 €
		TOTAL	1.344.494,53

TERCEIRO: Expoñer ao público o expediente de concesión de suplemento de crédito **Nº01/SC/2026**, e no BOP, por 15 días, durante os cales os interesados poderán examinalo e presentar reclamacións ante o Pleno. O expediente considerárase definitivamente aprobado se durante o citado prazo non se presentan reclamacións; en caso contrario, o Pleno disporá do prazo de un mes para resolvelas.

Considerando urxente a actuación coa fin de proceder á amortización da débeda tendo en conta as previsións de incremento dos tipos de xuro debido á situación economía internacional, farase uso da excepción prevista na base Nº10 das BEO 2025, de forma que transcorrido o período de exposición sen presentarse alegacións, o crédito modificado estará dispoñible a efectos de execución orzamentaria, sen prexuízo da posterior e preceptiva publicación da aprobación definitiva a efectos de recursos.

CUARTO: Unha vez aprobado definitivamente o expediente de concesión de suplemento de crédito **Nº 01/SC/2026** será inserido e resumido por capítulos no BOP. Así mesmo, remitirase copia do expediente á Administración do Estado e a da correspondente CCAA.

Vilagarcía de Arousa, na data da sinatura electrónica.

O ALCALDE

